

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa odredbama člana 82. st. (2) i (3) Zakona o visokom obrazovanju Kantona Sarajevo ("Službene novine Kantona Sarajevo", broj 42/13 - Prečišćeni tekst), Vlada Kantona Sarajevo na 19. sjednici, održanoj 22.10.2015. godine, donijela je sljedeću

ODLUKU

O SUBVENCIONIRANJU I PARTICIPACIJI U TROŠKOVIMA PRIJEVOZA U JAVNOM GRADSKOM I PRIGRADSKOM SAOBRAĆAJU ZA REDOVNE I REDOVNE SAMOFINANSIRAJUĆE STUDENTE NA VISOKOŠKOLSKIM USTANOVAMA U KANTONU SARAJEVO

I

Ovom odlukom utvrđuje se ostvarivanje prava na subvencioniranje troškova prijevoza u javnom gradskom i prigradskom saobraćaju za redovne i redovne samofinansirajuće studente na visokoškolskim ustanovama u Kantonu Sarajevo tj. lica koja ima status studenta u skladu sa Zakonom o visokom obrazovanju Kantona Sarajevo ("Službene novine Kantona Sarajevo", broj 42/13 - Prečišćeni tekst) (u daljem tekstu: redovni studenti), kao i način participiranja redovnih studenata u troškovima prijevoza u javnom gradskom i prigradskom saobraćaju u Kantonu Sarajevo (u daljem tekstu: javni gradski i prigradski saobraćaj).

II

Pravo na subvencioniranje troškova prijevoza u javnom gradskom i prigradskom saobraćaju, ostvaruju redovni studenti upisani na visokoškolskim ustanovama u Kantonu Sarajevo i koji podnošenjem ličnog zahtjeva iskažu potrebu za korištenje usluga javnog gradskog i prigradskog saobraćaja.

III

Troškove prijevoza iz tač. I i II ove odluke, djelomično sufinansiraju: korisnici - redovni studenti na osnovu utvrđenog učešća u troškovima prijevoza i Kanton Sarajevo u skladu sa Budžetom Kantona Sarajevo.

IV

Za subvencioniranje troškova prijevoza redovnih studenata iz tač. I i II ove odluke, Kanton Sarajevo izdvaja sredstva u Budžetu Kantona Sarajevo za tekuću godinu.

Ministar će donijeti poseban akt o raspodjeli sredstava po prevozniku i o tome izvijestiti Vladu Kantona Sarajevo.

Za redovne studenata koji koriste pravo prijevoza u javnom gradskom i prigradskom

saobraćaju u skladu sa ovom odlukom, cijena mjesečne prijevozne karte sa PDV-om utvrđena je prema sljedećim kriterijima:

Zona	Plaća korisnik ŠKMĆ	Visina subvencije ŠKMĆ	Cijena karte ŠKMĆ
	16	19	35

Redovni student - korisnik mjesečne prijevozne karte, ostvaruje pravo na neograničen broj vožnji u svim prijevoznim sredstvima javnog gradskog i prigradskog saobraćaja na području Kantona Sarajevo, osim na komercijalnim linijama.

V

Javni prijevoznici obezbijediće mjesečne prijevozne karte u skladu sa tačkom IV ove odluke, a izgled i sadržaj ovih karata, utvrdit će posebna komisija koju sačinjavaju predstavnici javnog prijevoznika i Ministarstva saobraćaja Kantona Sarajevo (u daljem tekstu: Ministarstvo).

VI

Pravo na subvencioniranje troškova prijevoza redovnih studenata u javnom gradskom i prigradskom saobraćaju iz tačke IV ove odluke, ostvaruje se na osnovu potvrde o statusu redovnog studenta izdate od strane visokoškolske ustanove u kojoj je redovan student upisan u tom statusu.

Za studente koji se po prvi put upisuju na visoko školske ustanove pravo se može ostvariti i na osnovu odobrenog i ovjerenog spiska upisanih redovnih studenata na visokoškolske ustanove.

Redovni studenti su dužni prilikom podnošenja zahtjeva popuniti obrazac "Prijave za subvenciju prijevoza redovnih studenata u javnom gradskom i prigradskom saobraćaju" PRILOG 1 koji mogu preuzeti na web stranici Vlade Kantona Sarajevo <http://vlada.ks.gov.ba> ili lično u šalter sali Kantona Sarajevo, Reisa Džemaludina Čauševića br. 1, Sarajevo.

VII

Javni prijevoznici su dužni utvrditi prodajna mjesta i rokove izdavanja mjesečnih prijevoznih karata.

Javni prijevoznici će Ministarstvu dostavljati mjesečni izvještaj o broju izdatih mjesečnih prijevoznih karata. Uz izvještaj se prilažu kopije potvrde o statusu redovnog studenta izdate od strane visokoškolske ustanove i kopija popunjenog obrazca "Prijave za subvenciju prijevoza redovnih studenata u javnom gradskom i prigradskom saobraćaju" PRILOG 1.

Prijevozne mjesečne karte preuzimaju lično redovni studenti na prodajnim mjestima javnog prijevoznika.

VIII

Sredstva za troškove subvencioniranja prevoza iz tačke I ove odluke planiraju se u Budžetu Kantona Sarajevo za tekuću godinu.

IX

Gramatička terminologija u ovoj odluci podrazumijeva uključivanje oba spola.

X

Danom stupanja na snagu ove odluke, prestaje da važi Odluka o subvencioniranju i participaciji u troškovima prijevoza u javnom gradskom i prigradskom saobraćaju za redovne i redovne samofinansirajuće studente na visokoškolskim ustanovama u Kantonu Sarajevo za 2012. godinu ("Službene novine Kantona Sarajevo", broj 6/12).

XI

Ovo Odluka stupa na snagu danom objavljivanja u "Službenim novinama Kantona Sarajevo".

Broj 02-05-27128-7.1/15
22. oktobra 2015. godine
Sarajevo

Premijer
Elmedin Konaković, s. r.